



BANGHAY-ARALIN SA ARALING PANLIPUNAN 2
(IPED Lesson Plan)
Dumagat Remuntado ng Rizal

Unang Markahan
Linggi 1- Ika-apat na araw

Aralin 1.4: Ang mga bumubuo ng Komunidad

I. Layunin

- a. Natutukoy ang mga bumubuo ng komunidad
- b. Nasusuri ang mga pamilya at institusyon na nabibilang sa komunidad.

II. Paksang-Aralin

Ang mga Bumubuo ng Komunidad

Sanggunian: Grade 2 CG AP2KOM-Ia-3, Yugto ng Buhay, IKSP, Elders, IPED Framework

BIT:

Megbolong- manggagamot
Paadelan- paaralan
Bahay Pulungan- tribal hall

Kagamitan: Larawan ng iba't ibang komunidad, ilustrasyon, mga kuwento (Big books), DLP, PPT

Integrasyon: Filipino, MTB-MLE, ESP, ARTS

Pagpapahalaga: Pagpapahalaga sa komunidad na kinabibilangan.

III. Pamamaraan:

A. Panimulang Gawain

1. Pagtukoy sa mga pumasok
Nandito – *weyo ok*
Wala dito – *eyen*
2. Balik-aral:
Magpakita ng ilustrasyon ng isang katutubong komunidad.
3. Paghahawan ng Balakid:



Magpakita ng larawan ng pamlyang Dumagat Remuntado, paaralang katutubo, sentrong pamahalaan (Tribal Hall), serbisyong pangkalusugan (megbolong o manggagamot), sambahan

4. Pagganyak na tanong:

Ano-ano ang nasa komunidad ni Balog?

B. Paglalahad:

Basahin ang kuwento na may larawan. (Big Book compilation)

DOON PO SA AMING TRIBU

Palakaibigan sa Balog. May nakilala siyang batang babae na magkahwig ang kanilang anyo. Ako po si Balog, pakilala niya. Ako naman si Dorena, sagot ng kanyang kausap. Ako ay isang katutubong Dumagat, sambit muli ni Balog. Pagkakilala nila ay niyaya ni Balog si Dorena upang mamasyal sa kanilang komunidad.

Dorena, gusto mo bang makita ang aming komunidad? Tanong ni Balog. Malapit lang naman iyon, halika mamasyal tayo... pamimilit ni Balog sa kanyang kaklase. Pumayag naman si Dorena at sila ay namasyal nga.

Ito ang aming **tahanan**. Dito nakatira ang aking pamilya.

Masaya kaming naninirahan dito.



Doon naman nakatira si Ambang Tonyo kasama ang kanyang pamilya.

Balog, tawag ni Dorena. Ano naman iyon nasa kaliwa ng iyong bahay?

Ah...iyon ang sentrong pamahalaan ng aming tribu. Ang tawag namin ay **bahay (Tribal hall)**



Sa gawing kanan naman ay ang aming **paadelan**.

Aroooy! Balog sumakit ang aking tiyan. Paupong sabi ni Dorena. Halika! Sa tayo dun sa bahay ng megbolong o manggagamot Nasa ibaba ng paadelan ang kanyang bahay.



Pagkatapos lapatan ni Ambang Karding ng halamang gamot ay nagyaya si Dorena sa na maglaro. Halika, sang ayon agad si Balog. Doon tayo sa aming **palaruan** malapit sa aming bahay. Iyon an gaming pook libangan kapag wal kaming ginagawa.

Mga Gabay na tanong:

1. Sino ang palakaibigan?
2. Sino ang nakilala ni Balog?
3. Saan niyaya ni Balog si Dorena upang mamasyal?
4. Sino-sino ang nakatira sa komunidad na kinabibilangan ni Balog?
5. Ano-ano ang mga nakita mo sa komunidad na kinabibilangan ni Balog?



6. Kung ikaw si Balog, magiging masaya ka kaya sa kanyang tribu o komunidad?

C. Pangkatang Gawain:

Pangkat 1.

Pag-aralan muli ang komunidad na kinabibilangan ni Balog. Iguhit ito ayon sa pagkakasalasay sa kuwento. (Gabayan ang mga mag-aaral upang maiguhit ang tamang lokasyon ng mga bumubuo ng komunidad.)

Pangkat 2.

Mula sa mga larawan kulayan ang mga bumubuo ng komunidad na wala sa komunidad ni Balog. (lagyan ng larawan ng palengke, ospital, parke)

D. Panglinang na Gawain:

Gawain A.

Pag-aralan ang mga larawan. (Magbibigay ang guro ng activity sheet.) Kulayan ng pula ang kahon kung ang larawan na bumubuo sa komunidad ay wala sa inyong komunidad. Kulayan naman ito ng berde kung nakikita mo sa inyong komunidad.



Gawain B.

Iguhit ang kinororoonan ng mga bumubuo sa komunidad sa inyong lugar. Isulat ang pangalan ng mga ito.

E. Paglalahat:

Ano-ano ang bumubuo sa isang komunidad?

IV. Pagtataya:

Iguhit ang  masayang mukha kung sang ayon ka sa sinasabi ng pangungusap at  malungkot na mukha kung hindi ka sang ayon.





1. Ang komunidad ay binubuo ng pangkat ng mga tao na namumuhay at naninirahan sa isang pook.

2. Ang komunidad ay nagkakaisa upang maiwasan ang kaguluhan.

3. Ang megbolong sa isang komunidad mahalaga.

4. Iba-iba ang kinabibilangang komunidad ng mga bata sa loob ng paadelan.

5. Ang pamilya ay isa sa mga bumubuo ng komunidad.

V. Pampasiglang Gawain (Culminating activity)

Pagsasadula:

Hikayatin ang mag-aaral upang bumuo ng isang dula-dulaan na nagpapakita ng isang komunidad.